



Naalakkersuisut kingusinnerpaamik UKA 2017-imi siunnersuummik savaateqarfinnik tunisinerni tunniussinerniluunniit savaatillit akiitsuunik tamakkiisumik ilaannakortumilluunniit isumakkeerinnissinnaalernermik pisinnaalersitsisumik saqqummiussinissaat pillugu Inatsisartuni aalajangiiffigisassatut siunnersuut.

(Inatsisartunut ilaasortaq Aqqaluaq B. Egede, Inuit Ataqatigiit)
(Siullermeernera)

Allatut ajornartumik tunngaviusumik isummerfigisariaqarparput Kalaallit Nunaanni nunalerineq inuussutissarsiutaanersoq imaluunniit naamik. Nassuiaatit assigiinngitsut ukiut kingulliit ingerlanerini takkussimasut atuaraanni takunngitsoorneqarsinnaangilaq nunalerineq imminut akilersinnaangitsoq, avammut tunisassiornermi isertitsissutaaneq ajorpoq aamma imminut pilersornissamut ilapittuutaangilaq uumasut nerisassaannut orsussamullu aningaasartuutaasartut nunarsuarmi niuerfinni savaaqqap taama annertutigisup akianut naleqqiullugu.

Imaangilarli nunalerineq ingerlanneqassangitsoq innuttaasulli piusaraat paasissallugu soq nunalerisoqarnerisooq aamma qanoq akeqarnerisooq. Pissutsit ullumikkutut ikkallartillugit kalaallit nunanani nunalerineq piviusorsiornermi siunissami pilersaaruteqarfiunngilaq. Aamma nassuiaatissaqartinneqangilaq kusanartunik akisoqisunilli tunisassiorluartumut soq milliuunilikkaanik tapiuassanersugut.

Siunnersuummi matumani siunertarineqarpoq savaateqarfinnik tunisinermi tunniussinermiluunniit akiitsut isumakkeerneqartarnissaat. Aperiinnassaagut soq. Nunalerinerup akilersinnaasunngornissaanut pilersaarusiortoqarsinnaangippat kinguaariit tulliisa akiitsui amerligaluttuinnartussaapput. Soq nunalerinerup iluani periarfissaq atuutissava inuussutissarsiutinili allani atuunnani. Nuannissagaluaqaarmi akiitsut isumakkeerneqartarnissaat sullivimmik tunisisoqarneri tamaasa imaluunniit illumik tunisinermi. Kisianni nunarsuaq taamatut aaqqissuussaaangilaq.

Taamaattumik siunnersuutip manna itigartinneqassasoq inassutigaarput.